


RIVIS

- Glesie e cjampanili (n°36 e n° 15)
- Pompe (n°35)
- Mulin (n°16 e n°17)
- Sagre dai crots (n°54)
- Pancavin (n°48)



GLESIE E CJAMPANILI

A son stâts fats sù tal VI secul de int dal païs.

La glesie e je intitulade a sante Margarite vergjine e martare. Lis pituris lis à fatis un artist dal puest che al veve non Pitton.

SANTE MARGARITE

Sante Margarite e je la patronne di Rivis; la fieste e cole ai 20 di Lui.

POMPE

E fo fate de int dal paîs tor dal '20 dal secul passât e e coventave pe aghe di bevi.
E va ancjemò ma no si le dopre plui.



MULIN

Si pense che al sedi dal 1500 e al va ancjemò cul so motôr a turbine; lis muelis, che a coventin par masanâ la blave a son di len.

La aghe che lu alimente e je la Roie di Codroip.



SAGRE DAI CROTS

La prime e fo fate dal 1976, ma la tradizion e varès di sei de metât dal 1800.



In chê volte, pe feste di sant Gotart che e cole ai 5 di Mai, si faseve la procession, si benedivin lis bestiis e po si leve a mangjâ i crots frits te ostarie di Menin.

Cumò si fâs feste la ultime di Avrîl e la prime di Mai ma i preparatifs a tachin doi mês prin. Tes dôs setemanis si bale e si mangje i crots.

La sagre e à un sít: <http://www.sagradellerane.it>.

PANCAVIN

Il fogoron (pancavin) si lu impie ai 5 di Zenâr, sot gnot, insom dal paîs.

Dute la int si met tor ator, e mangje crostui e e bêf vin brûlè cjalt.

Po, ducj atents, si cjale là che al va il fum, cirint di capî se l'an gnûf al sarà bon.

